

REGLUGERÐ

um búmark og fullvirðisrétt til framleiðslu mjólkur verðlagsárið 1989–1990.

I. KAFLI

Orðaskýringar.

1. gr.

Merking orða í reglugerð þessari er sem hér segir:

Framleiðandi er hver sá, sem á eigin vegum hefur með höndum búvöruframleiðslu til afhendingar í afurðastöð, hvort sem er einstaklingur, lögaðili, aðili að félagsbúi eða ríkisbú.

Búmark er viðmiðunartala afurðaeininga reiknuð í ærgildum, sem ákveðin er fyrir lögbýli eða framleiðendur utan lögbýla skv. reglugerð þessari.

Ærgildisafurð er afurðaeining. Ein ærgildisafurð telst vera 18.2 kg af kindakjöti og tilsvarandi magn af slátri og gærum, eða 174 lítrar af mjólk.

Ærgildi er talin vetrarfóðruð sauðkind. Ærgildi í nautgripum reiknast þannig: kýr 20 ærgildi, kelfd kvíga 12, vetrungur 8 og kálfur 4 ærgildi.

Lögbýli eða jörð er í reglugerð þessari skilgreint skv. 1. gr. ábúðarlaga nr. 64. 31. maí 1976 með síðari breytingum.

Félagsbú er sameiginlegur búrekstur tveggja eða fleiri einstaklinga á einu eða fleiri lögbýlum með samningi, sem hlotið hefur samþykki landbúnaðarráðuneytisins skv. jarðalögum nr. 65/1976 með síðari breytingum.

Fullvirðisréttur er það magn mjólkur og sauðfjárafurða, sem framleiðendum er ábyrgt fullt verð fyrir á grundvelli búvörusamnings skv. a-lið 30. gr. l. nr. 46/1985.

Fullvirðismark er samanlagður fullvirðisréttur allra framleiðenda á búmarkssvæði til framleiðslu mjólkur eða sauðfjárafurða, reiknaður sem hlutfall af samanlögðu búmarki svæðisins í viðkomandi búgrein.

II. KAFLI

Um búmark.

2. gr.

Búmark það, sem í gildi var við stjórn á framleiðslu mjólkur- og sauðfjárafurða samkvæmt búmarksskrá Framleiðsluráðs landbúnaðarins, við gildistöku þessarar reglugerðar heldur gildi sínu, þó þannig að:

- a. Framleiðsluráði landbúnaðarins er heimilt, að fengnum tillögum hlutadeigandi búnaðarsambands, að þrengja búmark á félagsbúum, ef aðilum að félagsbúi hefur fækkað frá árinu 1979. Skerðing þessi má að hámarki nema því, að hver aðili að félagsbúi hafi 600 ærgilda búmark í mjólk eða 450 ærgildi í sauðfjárafurðum, en 660 eða 500 ærgildi, ef aðeins einn aðili er eftir, enda hafi þeir eða hann meirihluta tekna sinna af búinu miðað við næstliðið almanaksár. Sama gildir um búmark á lögbýli, sem fengið hefur ákvarðað búmark vegna félagsbús eða fleirbýlis eftir 1979, ef einhver aðili, sem átti hlut að því búmarki, er hættur búrekstri eða hefur flutt lögheimili sitt af lögbýlinu og aðilum búsins þannig fækkað. Við skerðingu búmarks á blönduðum búum, skal miða við hlutfallið á milli ofangreindra ærgildistalna fyrir mjólk og sauðfé.
- b. Framleiðsluráð landbúnaðarins skal innkalla búmark þeirra lögbýla sem hafa verið í eyði í tvö ár eða lengur. Búmark sem ráðstafað hefur verið með samningi skal þó ekki innkallað fyrr en að samningstíma loknum. Innkalla skal búmark framleiðanda sem býr ekki á lögbýli, um leið og hann hættir búvöruframleiðslu í viðkomandi grein. Framleiðandi utan lögbýlis getur ekki ráðstafað búmarki sínu, hvorki með bústofni eða á annan hátt.

c. Sé lögbýli í ábúð, er Framleiðsluráði landbúnaðarins heimilt, að fengnum tillögum hlutaðeigandi búnaðarsambands, að innkalla búmark þeirra lögbýla, þar sem nautgripir og/eða sauðfé hefur ekki verið skráð á forðagæsluskýrslu á árabílinu 1983–1988, að báðum árum meðtöldum, nema um sé að ræða leigu á búmarkinu til Framleiðnisjóðs landbúnaðarins, sbr. reglugerðir nr. 370/1985 og 406/1986.

3. gr.

Heimilt er Framleiðsluráði landbúnaðarins, að fengnu samþykki viðkomandi búnaðarsambands, að auka búmark á lögbýlum, hjá framleiðendum sem um það sækja, sé það til ráðstöfunar í hlutaðeigandi búgrein. Aukningu búmarks í einni búgrein má binda því skilyrði að fallið sé frá jafnmörgum ærgildum í annarri búgrein sem háð er búmarki.

Einungis er heimilt að ráðstafa því búmarki sem til fellur á hverju búmarkssvæði skv. a-, b- og c-liðum 2. gr.

4. gr.

Umsókn um aukið búmark skal senda viðkomandi búnaðarsambandi. Búnaðarsamband gerir tillögu um afgreiðslu og sendir til Framleiðsluráðs landbúnaðarins ásamt upplýsingum héraðsráðunautar um fyrirhugaðan búrekstur. Ef um nýjan framleiðanda er að ræða, skal héraðsráðunautur staðfesta upplýsingar um starfsmenntun og/eða reynslu umsækjanda í þeirri búgrein eða þeim búgreinum sem hann hyggst stunda.

5. gr.

Framleiðendum er óheimilt að ráðstafa búmarki milli lögbýla. Með samþykki búnaðarsambands er þó heimilt að skipta á mjólkur- og sauðfjárbúmarki. Leiguliðar þurfa að auki skriflegt samþykki jarðareiganda til slíkrar ráðstöfunar.

Heimilt er að skipta á búmarki til mjólkurframleiðslu milli búmarkssvæða gegn tilsvarendi búmarki í sauðfjárframleiðslu, enda liggi fyrir því samþykki aðalfunda hlutaðeigandi búnaðarsambanda. Um ráðstöfun þessa búmarks fer eftir ákvæðum 3. og 4. gr.

6. gr.

Búmarki skal skipt eftir svæðum, sem eru þessi:

Nr. Svæði:

1. Gullbringu- og Kjósarsýsla, Grindavík, Keflavík, Njarðvík, Hafnarfjörður, Kópavogur, Garðabær, Reykjavík, Seltjarnarnes og Mosfellsbær.
2. Borgarfjarðarsýsla utan Skarðsheiðar og Akranes.
3. Borgarfjarðarsýsla innan Skarðsheiðar.
4. Mýrasýsla og Borgarnes.
5. Snæfellsnes- og Hnappadalssýsla, Ólafsvík og Stykkishólmur.
6. Dalasýsla.
- 7.-10. Búmarkssvæði Búnaðarsambands Vestfjarða:
 - Austur-Barðastrandarsýsla
 - Vestur-Barðastrandarsýsla
 - Vestur-Ísafjarðarsýsla
 - N-Ísafjarðarsýsla, Ísafjörður og Bolungarvík.
11. Strandasýsla.
12. Vestur Húnavatnssýsla.
13. Austur Húnavatnssýsla.
14. Skagafjarðarsýsla, Sauðárkrúkur, og Siglufjörður.
15. Eyjafjarðarsýsla, Akureyri, Dalvík, Ólafsfjörður og Suður Þingeyjarsýsla vestan Ljósavatnshrepps.

16. Aðrir hreppar Suður Þingeyjarsýslu og Húsavík.
17. Norður Þingeyjarsýsla.
18. Skeggjastaða- og Vopnafjarðarhreppur.
19. Norður Múlasýsla að öðru leyti, Seyðisfjörður, hreppar í Suður Múlasýslu á Héraði, ásamt Helgustaða-, Reyðarfjarðar-, Búða- og Fáskrúðsfjarðarhreppum, Eskifirði og Egilsstaðabæ.
20. Norðfjörður, Neskaupstaður og Mjóifjörður.
21. Stöðvar-, Breiðdals-, Berunes-, Búlands-, og Geithellnahreppar.
22. Austur Skaftafellssýsla.
23. Vestur Skaftafellssýsla.
24. Rangárvallasýsla.
25. Árnessýsla og Selfoss.

7. gr.

Þar sem hluti búmarkssvæðis fellur innan félagssvæðis annars búnaðarsambands skulu viðkomandi búnaðarsambönd fjalla sameiginlega um málefni framleiðenda á þeim hluta búmarkssvæðisins.

8. gr.

Framleiðsluráð landbúnaðarins heldur skrá um búmark og lætur búnaðarsamböndum árlega í té búmarksskrá fyrir starfssvæði þeirra, ásamt sérstakri skrá yfir breytingar, sem orðið hafa á búmarki þar undangengið ár, og skrá um samanlagt búmark í hverri búgrein á einstökum búmarkssvæðum landsins.

9. gr.

Reglugerð þessi tekur ekki til búmarks vegna framleiðslu nautakjöts sem sett var á grundvelli laga nr. 95/1981 sbr. l. nr. 46/1985.

III. KAFLI

Fullvirðisréttur til mjólkurframleiðslu verðlagsárið 1989–1990.

10. gr.

Heildarfullvirðisréttur til mjólkurframleiðslu á verðlagsárinu 1989–1990 telst vera það magn mjólkur sem um hefur verið samið fyrir verðlagsárið skv. búvörusamningi dags. 20. mars 1987.

11. gr.

Hverjum mjólkurframleiðanda skal reiknaður sami fullvirðisréttur til mjólkurframleiðslu á verðlagsárinu 1989–1990 og honum var ákveðinn fyrir verðlagsárið 1988–1989 með reglugerð nr. 305/1988, með eftirtöldum frávikum:

1. Breytingum sem orðið hafa vegna staðfesta samninga milli framleiðenda, endurúthlutunar búnaðarsambanda og skipta á vegum framleiðenda á fullvirðisrétti í saudfé og mjólk.
2. Vegna endurúthlutunar á 430 þús. lítrum, skv. ákvæðum reglugerðar nr. 305/1988. Um endurúthlutun fer skv. 4. tl. 13. gr. þeirrar reglugerðar, að teknu tilliti til leigu- og sölusamninga, sem framleiðendur gerðu við Framleiðnisjóð landbúnaðarins verðlagsárið 1988–1989. Úthlutun samkvæmt þessum lið getur að hámarki orðið 5% af nýtanlegum fullvirðisrétti svæðisins. Endurúthlutun skal lokið eigi síðar en 1. ágúst 1989. Óheimilt er án samþykkis Framleiðsluráðs landbúnaðarins að nýta fullvirðisrétt skv. þessum tölulíð með öðrum hætti en innleggi mjólkur í afurðastöð.
3. Vegna samningsauka á fullvirðisrétti í mjólkurframleiðslu sbr. 12. grein.

12. gr.

Aukningu heildarfullvirðisréttar á verðlagsárinu 1989–1990 samkvæmt búvörusamningi – einni milljón lítra – skal ráðstafað þannig:

1. 95.000 lítrum verði varið til sérstakra leiðréttinga á fullvirðisrétti, samkvæmt tillögum Framleiðsluráðs landbúnaðarins sem landbúnaðarráðherra staðfestir.
2. 100.000 lítrum skal varið til skipta á fullvirðisrétti til sauðfjár- og mjólkurframleiðslu. Framleiðsluráð landbúnaðarins annast framkvæmd þeirra skipta eftir reglum sem landbúnaðarráðherra staðfestir. Framleiðandi skal fá eina ærgildisafurð í mjólk fyrir 1,2 ærgildisafurðir í sauðfé, en framleiðandi sem lætur eina ærgildisafurð í mjólk fær 1,25 ærgildisafurð í sauðfé. Forgang að slíkum skiptum hafa framleiðendur á lögbýlum þar sem breytingar á framleiðslumagni krefjast ekki nýrra fjárfestinga. Þá skal við slík skipti taka mið af markaðsaðstæðum, landnýtingarsjónarmiðum og búrekstraraðstöðu í viðkomandi greinum á býlinu. Leita skal samþykkis viðkomandi búnaðarsambands fyrir slíkum skiptum. Við skipti á fullvirðisrétti skv. þessum lið fylgja sjálfkrafa skipti á tilsvarendi ærgildum af búmarki.
3. 805.000 lítrum skal úthluta til búmarkssvæða í hlutfalli við fullvirðisrétt þeirra til mjólkurframleiðslu verðlagsárið 1986/1987. A.m.k. 40% af hlut hvers búmarkssvæðis skal viðkomandi búnaðarsamband ráðstafa til þeirra sem búa við þröngan kost vegna lítills fullvirðisréttar á hvern vinnandi mann á búinu (t.d. vegna ættliðaskipta), lítilla möguleika til annarrar tekjuöflunar en af mjólkur- og sauðfjárframleiðslu eða erfiðra félagslegra aðstæðna. Heimilt er búnaðarsambandi að ráðstafa allt að 70% af hlut svæðisins á ofangreindan hátt. Tilkynning um hversu hátt hlutfall búnaðarsamband hyggst nota til slíkra ráðstafana skal hafa borist Framleiðsluráði landbúnaðarins eigi síðar en 1. júní 1989 og skal ráðstöfun lokið fyrir 1. ágúst 1989. Heimilt er búnaðarsambandi, að fengnu samþykki ráðherra, að nota minna en 40% af hlut búmarkssvæðisins til þessarar ráðstöfunar telji það hennar ekki þörf. Sá fullvirðisréttur sem búnaðarsamband úthlutar ekki skiptist jafnt á milli mjólkurframleiðenda á svæðinu, þó þannig að á blönduðum búum lækkar úthlutun sem nemur hlutfalli fullvirðisréttar í sauðfé. Þess skal gætt að hver aðili að félagsbúi, sem samþykkt hefur verið af landbúnaðarráðuneyti, telst sérstakur framleiðandi sbr. 1. gr. l. nr. 46/1985.

13. gr.

Búnaðarsambandi er heimilt að fela Framleiðsluráði landbúnaðarins að annast fyrir sína hönd verkefni þau sem því eru falin með reglugerð þesari.

Framleiðsluráð ákveður fresti til umsókna og til afgreiðslu þeirra. Skal umsóknarfrestur eigi vera skemmri en 3 vikur og hann auglýstur með tryggilegum hætti.

14. gr.

Mjólkurframleiðanda er heimilt, með samkomulagi við viðkomandi afurðastöð, að nýta af fullvirðisrétti sínum verðlagsárið 1990–1991 jafngildi allt að 5% af fullvirðisrétti skv. 11. og 12. gr. með innleggi á verðlagsárinu 1989–1990, svo og að geyma allt að 5% af fullvirðisrétti til næsta verðlagsárs. Í samkomulagi þessu skal m.a. taka fram um greiðslu þessara afurða, sbr. 2. mgr. 29. gr. l. nr. 46/1985.

Landbúnaðarráðherra er heimilt, að fengnum tillögum framkvæmdanefndar búvörusamninga og með hliðsjón af markaðsaðstæðum á einstökum búmarkssvæðum, að ákveða að rikissjóður greiði fyrir ónotaðan fullvirðisrétt allt að 5 hundradshlutum af fullvirðisrétti einstakra framleiðenda. Ákvörðun landbúnaðar ráðherra skal liggja fyrir eigi síðar en 1. mars 1990. Ákvæði þessarar málsgreinar gilda þó ekki um ígildi þess mjólkumagns sem úthlutað var skv. 1. tl. 5. gr. reglugerðar nr. 37/1986 og 13. gr. reglugerðar nr. 339/1986. Ónotaður

fullvirðisréttur umfram það er að framan greinir fellur til viðkomandi búmarkssvæðis og skal ráðstafa honum til annarra framleiðenda eftir því sem þörf krefur vegna uppgjörs verðlagsársins, fyrst til þeirra sem hafa fullvirðisrétt minni en 80% af búmarki, en aldrei meiru en sem nemur búmarki viðkomandi lögbýlis.

Greiðsla fyrir ónotaðan fullvirðisrétt skal taka mið af hlutfalli launa- og fjármagnskostnaðar (afskifta og vaxta) vegna mjólkurframleiðslu í verðlagsgrundvelli kúabús 1. júní 1990. Framleiðsluráð landbúnaðarins annast greiðslur þessar samkvæmt nánari reglum, er landbúnaðarráðherra setur.

IV. KAFLI Ýmis ákvæði.

15. gr.

Framleiðsluráð landbúnaðarins reiknar út fullvirðisrétt til framleiðslu mjólkur samkvæmt 11. og 12. gr. og heldur skrá um fullvirðisrétt, og lætur afurðastöðvum og búnaðarsamböndum í té eintak af henni fyrir starfssvæði viðkomandi afurðastöðvar og búnaðarsambands.

Framleiðsluráð landbúnaðarins aflar upplýsinga og annast útreikninga vegna framkvæmdar þessarar reglugerðar og hefur eftirlit með uppgjöri afurðastöðva við framleiðendur.

16. gr.

Framleiðsluráð landbúnaðarins skal tilkynna framleiðendum fullvirðisrétt þeirra. Þeir eiga þess kost að gera athugasemdir við hann og skulu þær berast Framleiðsluráði landbúnaðarins innan 30 daga frá birtingu tilkynningar, ella gildir hann fyrir verðlagsárið. Framleiðsluráð landbúnaðarins endurskoðar tölulega útreikninga, sem athugasemdir eru gerðar við og tilkynnir framleiðanda niðurstöðu sína.

Berist Framleiðsluráði ekki athugasemdir við þá niðurstöðu innan 25 daga frá dagsetningu úrskurðarins, gildir hún fyrir hlutaðeigandi verðlagsár. Viðkomandi framleiðandi, hefur þó rétt til að skjóta ágreiningnum með rökstuddri kæru til nefndar, sem skipuð er skv. 31. gr. l.nr. 46/1985, uni hann ekki niðurstöðunni. Skal nefndin fella úrskurð sinn og tilkynna hann framleiðanda innan 30 daga frá því erindi berst henni. Með sama hætti skal nefnd þessi úrskurða um ágreining, sem rísa kann vegna framkvæmdar á ákvæðum 2.–4. gr., 17. gr. og 20. gr. þessarar reglugerðar.

17. gr.

Framleiðendum er óheimilt að ráðstafa fullvirðisrétti fyrir verðlagsárið 1989–1990 milli lögbýla. Með samþykki búnaðarsambands er þó heimilt að skipta á fullvirðisrétti í sauðfé og mjólk. Leiguliðar þurfa að auki skriflegt samþykki jarðareiganda fyrir slíkri ráðstöfun.

Heimilt er framleiðanda, sem ekki nýtir sinn fullvirðisrétt, að leggja hann inn til leigu gegn föstu fyrirfram ákveðnu gjaldi hjá búnaðarsambandi, að fengnu samþykki jarðareiganda ef um leiguábúð er að ræða. Leigutími getur lengst orðið til 1. september 1992. Búnaðarsamband skal ráðstafa þeim fullvirðisrétti er til fellur á fyrrgreindan hátt með því að leigja hann öðrum framleiðendum. Framleiðendur sem hafa heildarfullvirðisrétt undir 450 ærgildisafurðum skulu hafa forgang til leigu fullvirðisréttar. Sömuleiðis skulu þeir framleiðendur sem falla undir ákvæði 3. t. 12. gr. hafa forgang. Að öðru jöfnu skal leitast við að láta leigu á rétti innan sveitarfélags njóta forgangs og þess gætt að fullvirðisréttur sem leigður er með fyrrgreindum hætti krefjist ekki nýrra fjárfestinga í byggingum.

Þeir framleiðendur sem vilja taka fullvirðisrétt á leigu leggi inn umsókn þar um hjá viðkomandi búnaðarsambandi. Landbúnaðarráðherra ákveður leigugjald fyrir þann fullvirðisrétt sem leigður er á þennan hátt að fengnum tillögum Framleiðsluráðs landbúnaðarins.

Leiga fullvirðisréttar á þennan hátt getur aldrei orðið öðrum en ábúendum á lögbýlum tekjustofn samkvæmt ákvæðum þessarar greinar.

18. gr.

Heimilt er landbúnaðarráðherra að færa fullvirðisrétt mjólkurframleiðenda milli ríkisjarða innan sama búmarkssvæðis að fengnum meðmælum viðkomandi búnaðarsambands.

Einnig er landbúnaðarráðherra heimilt að færa fullvirðisrétt milli bóva í eigu ríkisins (tilraunabúa, skólabúa o.s.frv.).

19. gr.

Við ábúendaskipti á lögbýlum skal samanlögð framleiðsla fráfarandi bónda og þess sem tekur við teljast framleiðsla lögbýlisins á viðkomandi verðlagsári. Framleiðsla fráfarandi bónda hefur forgang í fullvirðisrétt býlisins á verðlagsárinu nema um annað sé samið milli aðila.

Framleiðanda er óheimilt, án samþykkis hlutaðeigandi búnaðarsambands, að selja eða leigja þann fullvirðisrétt til mjólkurframleiðslu sem hann hefur hlotið á grundvelli 14. gr. reglugerðar nr. 339/1986 og 14. gr. reglugerðar nr. 291/1987, sbr. einnig 3. tl. 11. gr. þessarar reglugerðar.

20. gr.

Sé jörð ekki í ábúð skal Framleiðsluráð landbúnaðarins innkalla fullvirðisrétt jarðarinnar, enda hafi jörðin verið í eyði í a.m.k. tvö ár og samningur ekki í gildi um ráðstöfun fullvirðisréttar.

Fullvirðisréttur sem fylgir innkölluðu búmarki skv. b lið 2. gr. og annar sá fullvirðisréttur sem fellur til búnaðarsambands kemur til endurúthlutunar á viðkomandi búmarkssvæði skv. ákvæðum í 3. tl. 12. gr.

21. gr.

Brot á reglugerð þessari varða viðurlögum samkvæmt 59. gr. laga nr. 46. 27. júní 1985 um framleiðslu, verðlagningu og sölu á búvörum. Með mál út af brotum skal farið að hætti opinberra mála.

Reglugerð þessi er sett skv. lögum nr. 46. 27. júní 1985 um framleiðslu, verðlagningu og sölu á búvörum og öðlast gildi þegar í stað.

Landbúnaðarráðuneytið, 10. maí 1989.

Steingrímur J. Sigfússon

Jón Höskuldsson

GJALDSKRÁ

fyrir afnot flugvalla.

1.0 Gildissvið.

- 1.1 Gjaldskrá þessi gildir fyrir afnot flugvalla á Íslandi, annarra en Keflavíkflugvallar.
- 1.2 Gjöld fyrir millilandaflug verða innheimt fyrir afnot alþjóðlegra flugvalla á Íslandi. Skrá yfir þá flugvelli er birt í flugmálahandbók (AIP Iceland), sem gefin er út af flugmálastjórn.
- 1.3 Gjöld fyrir innanlandsflug verða innheimt fyrir afnot þeirra flugvalla þar sem áætlunarflug er stundað. Skrá yfir þá flugvelli er birt í flugmálahandbók (AIP Iceland), sem gefin er út af flugmálastjórn.

2.0 Lendingargjald.

- 2.1 Fyrir hverja lendingu loftfars í millilandaflugi á flugvöllum, sbr. 1.2., skal greiða gjald samsvarandi (7,75) Bandaríkjadöllum fyrir hver byrjuð 1 000 kg af massa þess. Lágmarks-